



## PERBADANAN LABUAN

Wisma Perbadanan Labuan, Peti Surat 81245, 87022 Wilayah Persekutuan Labuan Tel: 087-408600/087-408601 Faks: 087-428997/087-419400/087-426803 Laman Web: [www.pl.gov.my](http://www.pl.gov.my)

# SIARAN MEDIA

## UNTUK LIPUTAN MEDIA MASSA

### KEMPEN “ANTI-LITTER” DIPERLUASKAN KE WILAYAH PERSEKUTUAN LABUAN

LABUAN, 15 Februari 2019 – Kementerian Wilayah Persekutuan dengan kerjasama Alam Flora Sdn. Bhd. memperluaskan kempen ‘*anti-litter*’ kepada warga Labuan bagi tujuan mengekalkan kelestarian alam sekitar serta mengubah minda masyarakat agar lebih bertanggungjawab terhadap kebersihan di pulau bebas cukai yang indah ini.

YB Tuan Haji Khalid bin Abd. Samad, Menteri Wilayah Persekutuan mengedarkan beg ‘*anti-litter*’ hari ini kepada penumpang-penumpang di Terminal Feri Kenderaan dan Terminal Feri Penumpang Antarabangsa Labuan. Pihak Alam Flora Sdn. Bhd. juga turut menyumbangkan dua set tong sampah *recycle* untuk kegunaan rakyat yang diletakkan di kawasan menunggu Terminal Feri Penumpang. Menteri Wilayah Persekutuan sebelum ini telah melancarkan Kempen ‘Anti-Litter: Give Your Litter a Lift Home’ dan penyerahan beg ‘*anti-litter*’ pada 9 Februari 2019 di Stesen Minyak Petronas Putra, Lebuhraya PLUS Arah Selatan, Kuala Lumpur.

Sikap orang ramai yang cenderung membuang sampah terutama sekali di laut/pulau adalah merupakan salah satu penyumbang kepada taburan atau longgokan sampah-sampah yang tersadai di tepi pantai dan terapung di laut mahupun yang terapung berdekatan dengan premis tepi laut. Hal ini berkemungkinan boleh menimbulkan imej yang negatif terhadap pemandangan dan persekitaran di pulau Labuan ini.

Oleh itu, diharapkan agar inisiatif ini disahut oleh orang ramai untuk lebih rasa bertanggungjawab terhadap alam sekitar dalam usaha memastikan keindahan pulau Labuan ini kekal dalam keadaan yang baik dan seterusnya sikap tersebut menjadi contoh yang baik kepada generasi yang akan datang.

#### Disediakan oleh:

Jabatan Hal Ehwal Korporat  
Perbadanan Labuan  
15 Februari 2019